

Cairt Seirbhíse ar Ardchaighdeán



Office of the
Oifig an



Director of Public Prosecutions
Stiúrthóra Ionchúiseamh Poiblí

Ráiteas Misin

Seirbhís ionchúisimh a bheidh neamhspleách, cothrom agus éifeachtacha sholáthar thar ceann Phobal na hÉireann

Cé sinne?

Bunaíodh Oifig an Stiúrthóra Ionchúiseamh Poiblí faoin Acht um Ionchúiseamh i gCionta, 1974. Tagraítear don Stiúrthóir Ionchúiseamh Poiblí freisin mar an Stiúrthóir sa Chairt seo. Tá trí phríomhrannán in Oifig an Stiúrthóra:

- Tá **an Rannán Stiúrtha** comhdhéanta d'abhcóidí agus d'aturnaetha a scrúdaíonn comhaid imscrúdaithe choiriúil agus a chinneann cibé ar chóir ionchúiseamh a dhéanamh.
- Tá **an Rannán Aturnaetha** comhdhéanta d'aturnaetha agus d'fheidhmeannaigh dlíthiúla a ullmhaíonn agus a sheolann cásanna thar ceann an Stiúrthóra i ngach suí de na Cúirteanna i mBaile Átha Cliath.
- Soláthraíonn **an Rannán Riaracháin** na seirbhísí eagraíochtúla, bonneagair, riaracháin agus faisnéise a bhíonn riachtanach don Oifig agus chomh maith leis sin tugann tacaíocht don Rannán Stiúrtha agus don Rannán Aturnaetha araon.

Cad a dhéanaimid?

Cinneann an Stiúrthóir cibé an gcúisítear daoine i gcionta coiriúla agus cad iad na cúisimh ba chóir a bheith i gceist. Ó bhíonn cúisimh tionscanta bíonn Oifig an Stiúrthóra i gceannas ar an gcás ionchúisimh.

Gníomhaíonn an Príomh-Atur nae Ionchúisimh mar atur nae don Stiúrthóir agus bíonn i gceannas ar an Rannán Aturnaetha in Oifig an Stiúrthóra. Déanann foireann an Rannáin Aturnaetha uiríolla ar an Stiúrthóir i ngach cúirt i mBaile Átha Cliath. Déanann Aturnaetha Stáit Áitiúla uiríolla ar an Stiúrthóir i gcúirteanna lasmuigh de Bhaile Átha Cliath.



Rudaí NACH ndéanaimid

Ní dhéanann Oifig an Stiúrthóra:

- coireanna a imscrúdú - is iad an Garda Síochána a imscrúdaíonn coireanna.
- comhairle dhlíthiúil a thabhairt do dhaoine den phobal - ba chóir do dhaoine a bhíonn ag lorg comhairle den sórt sin dul i gcomhairle lena gcomhairleoir dlí féin.

Cad leis is féidir leat a bheith ag súil uainn

Tá an Stiúrthóir agus a fhoireann tiomanta seirbhís ionchúisimh ar ardchaighdeán a sholáthar. Sa déileáil a bheadh agat le hOifig an Stiúrthóra Ionchúiseamh Poiblí is féidir leat a bheith ag súil le:

Neamhspleáchas

Is croíluch den Oifig é an neamhspleáchas. Tá an Stiúrthóir Ionchúiseamh Poiblí neamhspleách le linn feidhmeanna an phoist a chomhlíonadh. Ní féidir leis an Rialtas ná leis an nGarda Síochána a chur faoi deara don Stiúrthóir aon chás ar leithligh a ionchúiseamh ná ní féidir leo stop a chur leis sin a dhéanamh.

Cothroime

Oibríonn Oifig an Stiúrthóra chuig na caighdeáin ghairmiúla is airde agus déileálann le gach duine dá mbíonn déileáil aici leo go cothrom, go comhionann agus go comhleanúnach.

Breithniú cúramach

Is cinneadh an-tábhachtach é an cinneadh ionchúiseamh a dhéanamh nó gan ionchúiseamh a dhéanamh. Má ionchúisítear daoine is féidir go leor damáiste a dhéanamh dóibh fiú má chinntear níos faide anonn nach bhfuil siad ciontach. Bíonn go leor struis ag baint le triail choiriúil, go háirithe don íospartach. Ag an am céanna, is féidir le cinneadh gan ionchúiseamh a

dhéanamh go leor struis agus suaithheadh a chruthú don íospartach. Mar sin caithfear an cinneadh cibé an ndéanfar ionchúiseamh a bhreithniú go han-chúramach.

Rúndacht

Déileálfar le gach ábhar a tharchuirtear chuig Oifig an Stiúrthóra ar shlí chuí agus rúnda. I gcás go gcinneann an Stiúrthóir gan ionchúiseamh a dhéanamh i gcás ar leithligh tugtar na cúiseanna leis an gcinneadh sin don Gharda Síochána, nó don ghníomhaireacht imscrúdaithe eile, agus coinnítear faoi rún iad. Ní thugann an Stiúrthóir cúiseanna lena chinntí don phobal. Tá tacaíocht faighte ag an bpolasaí seo ó roinnt cinntí sna hUaschúrteanna le blianta beaga anuas.

Gníomh Tráthúil

Déileálann an Stiúrthóir agus a fhoireann le gach comhad, fiosrúchán agus nithe eile a tharchuirtear chuige ar shlí thráthúil.

Athbhreithniú

Más íospartach nó duine cúisithe tú, nó duine dá dteaghlach, nó a ndlíodóir, dochtúir nó oibrí sóisialta is féidir leat iarraidh ar an Stiúrthóir athmhachnamh a dhéanamh ar chinneadh a bhíonn glactha. Is féidir leat sin a dhéanamh trí iarraidh a chur i scríbhinn chuig Oifig an Stiúrthóra Ionchúiseamh Poiblí.

Cúirtéis & Meas

Caithfidh foireann Oifig an Stiúrthóra Ionchúiseamh Phoiblí leis na daoine lena mbeidh siad ag déileáil go cúirtéiseach agus le meas.

Íogaireacht

Tá Oifig an Stiúrthóra tiomanta déileáil le híospartaigh agus le finnétithe leis an meas agus an íogaireacht is mó. Beidh meas ag an Stiúrthóir ar aon tuairim a léireoidh íospartaigh coireachta nuair a bheidh cinntí á ndéanamh i gcásanna sainiúla cibé an ndéanfar ionchúiseamh.



Nuair a bhíonn cionta á n-ionchúiseamh sa chúirt:

- oibreoidh an Stiúrthóir leis an nGarda Síochána lena chinntiú go gcoinnítear íospartaigh coireachta go hiomlán ar an eolas faoi fhorbairtí sa chás, go háirithe más cion de chineal foréigneach nó gnéasach an cion.
- míneoidimid, i gcás gur indéanta sin, próisis na cúirte a bheidh i gceist and cuirfimid ár leabhrán eolais ar ‘Freastal ar an gCúirt mar Fhinné’ ar fáil.
- ar iarratas ó íospartach coireachta, éascoidh Oifig an Stiúrthóra cruinniú réamhthrialach le habhcóide agus le hionadaí ó Rannán Aturnaetha Oifig an Stiúrthóra. Is é cuspóir an chruinnithe seo ná an próiseas trialach a mhíniú duit agus aon cheisteanna a d’fhéadfadh a bheith agat a fhreagairt. Ba chóir a thabhairt ar aird, áfach, nach féidir le hionadaí an Stiúrthóra fianaise a phlé le finnéithe roimh an gcás.

Achomhairc

I gcásanna a chuirtear ar triail sa Chúirt Chuarda, sa Phríomh-Chúirt Choiriúil agus sa Chúirt Choiriúil Speisialta is féidir leis an Stiúrthóir iarratas a dhéanamh chuig an gCúirt Achomhairc Choiriúil chun athbhreithniú a dhéanamh ar phianbhreith nuair a mheasann sé go bhfuil an pianbhreith trócaireach go míchuí. Más íospartach tú, nó duine dá dteaghlach, a ndlíodóir, dochtúir nó oibrí sóisialta is féidir leat iarraidh ar an Stiúrthóir achomharc a dhéanamh ar thrócaireacht pianbhreithe a ghearrann na cúirteanna.

Eolas

Soláthraíonn Oifig an Stiúrthóra eolas a bhfuil rochtain éasca air maidir le hobair na hoifige trí threoirleabhair eolais, Tuarascálacha Bliantúla, Treoirlínte Ionchúisimh agus foilseacháin eile a fhoilsiú, agus tá siad sin ar fad ar fáil ar láithreán gréasáin na hOifige ag www.dppireland.ie.

Faoi alt 46(1)(b) den Acht um Shaoráil Faisnéise, 1997, ní féidir ach taifid a bhaineann le riarachán ginearálta na hOifige a bheith poiblí. Ciallaíonn sé sin nach féidir leis an bpobal faisnéis ó chomhaid a bhaineann le cásanna coiriúla aonair a fháil.

Comhionannas na dTeangacha Oifigiúla

Foilsítear gach foilseachán a eisíonn Oifig an Stiúrthóra i nGaeilge agus i mBéarla agus tá ár láithreán gréasáin dátheangach. Cabhróimid freisin leat do ghnó a stiúradh trí mheán na Gaeilge.

Polasaí Gearán

Má bhíonn gearán agat faoin tslí a n-oibrímid is féidir leat scríobh chuig Oifig an Stiúrthóra agus déileálfar le do ghearán go pras.

Mionsonraí Teagmhála

Oifig an Stiúrthóra Ionchúiseamh Poiblí

14-16 Sráid Mhuirfean

Baile Átha Cliath 2

Teil: + 353 | 678 9222

Faics: + 353 | 661 0915

Láithreán Gréasáin: www.dppireland.ie

An Rannán Aturnaetha

Teach Caibidle

26-30 Sr. na Mainistreach Uachtarach

Baile Átha Cliath 1

Teil: +353 | 858 8500

Faics: +353 | 858 8555

Láithreán Gréasáin: www.dppireland.ie